

Miz mbanj vunz dwg Boux-cuengh, hoeng de caen mbouj rox gangj Vahcuengh; miz mbanj vunz roxnyinh gangj Vahcuengh saetnaj, rox gangj hix mbouj gangj. Lwgsau ndei Bouxcuengh Vangz Binghgen dwg boux siujyoz lauxsae Lungzanh Yen Nazdungz Cin Mbanjnazmonz ndeu, de mbouj roxnyinh gangj Vahcuengh saetnaj. De naeuz, lwg Bouxcuengh couh wnggai hag rox gangj Vahcuengh, gyaез Sawcuengh!

Miz vunz naenz Vangz Binghgen lauxsae “huk”. Gij “huk” de, mboujdanh ndaej daj de haeujsim guh gij hong Sawcuengh haenx yawj ndaej ok, caemhcaiq ndaej daj de ndiepgyaез hagseng haenx yawj ndaej ok.

1996 nienz, Gvangjsih Saw-cuengh Yozyau daeuj boux hagseng moq ndeu, mwh lauxsae cam de vihmaz haengj daengz gizneix doegsaw, de gig miznaj naeuz: “Gou dwg lwgsau Bouxcuengh, gou gyaез Sawcuengh!” Boux hagseng neix couh dwg Vangz Binghgen. Gvaq seiq bi le, Vangz Binghgen hagbaenz ma daengz Mbanjnazmonz son Sawcuengh. Doih caemh mbanj naeuz de: “Guh lauxsae, ngoenz haet ok haemh dauq, mizmaz bonjsaeh! Guh boux lauxsae Sawcuengh, engq mboujmiz bonjsaeh! Youq Mbanj-nazmonz raeuz, guh maz mbouj fatcaiz?” Vangz Binghgen riu dwk naeuz: “Gou gyaез Sawcuengh!” Doih naeuz de huk lai.

Vangz Binghgen gig angq, de gyaез faenh hong lauxsae Sawcuengh neix, guhhong gig nyinhcaen haenq-rengz. Mboujguenj dwg guenjieix ban’gaep, roxnaeuz dwg sonhag, de cungj siengj guh ndaej ceiq ndei. Youq sonhag ndawde, de roxnyinh gij doxgaiq aeu hag haenx daiq lai lo. Daegbied dwg gij conhyez cihsiz Sawcuengh haenx, engqgya wnggai aeu daezsang. Yienghneix, de youh camgya cwngyzinz gauhgauj, doeg daengz bwnjgoh bizyez bae. Doek-laeng, sonhag suiibingz de mbouj-duenh ndaej daezsang, aeundaеj gak cungj gak yiengh sonhag ciengj lai dangqmaz. Aenvih de gaenx guhhong, naengzlig ak gvaq vunz, 2006 nienz 9 nyied, de ndaej dang hagdangz



gyaуvuzcu cujyin.

Dang gyaуvucu cujyin le, Vangz Binghgen rox daengz diuzrap gwnz mbaq engqgya naek lo, de lij lumj ngamq haeuj hagdangz gunghcoz nei yinhcaen yunghrengz, yiemzgek iugouz swheij. Banh ndei gij saeh gij hong baihgwnz caeuq hagdangz gyau hawj haenx. 2012 nienz, Vangz Binghgen camgya Vahcuengh Saw-cuengh suiibingz gaujsi, youq ndaw gauhgiz daengjgyaep gaujsi, de gauj ndeij 71 faen.

Sonhag 10 lai bi, de mbouj ienq maz gvaq, itcig youq aen gangjvei son Sawcuengh neix haenqrengz guhhong. De lij dawz gij vwnzva Bouxcuengh cienzdungj haenx daiq hawj hagdangz. Lumj dawz aendomq、foux

faexsaux、moeggieg daengj haujai doxgaiq minzcuz vwnzva dijbauj buen haeuj hagdangz daeuj. De naeuz, de baenzneix guh, dwg siengj hawj gij vwnzva minzcuz raeuz ciengxlwenx swnjciep roengzbae, engqgya ndaej fazcanj. Gij doengzhag youq Gvangjsih Sawcuengh Yozyau caeuq de doengzcaez bizyez haenx, cungj gaij-hangz mbouj son Sawcuengh lo. Dang bouxwnq cam de vihmaz mbouj diuq bae aen yozyau ndei roxnaeuz gaijhangz seiz, de lijdwg riu dwk naeuz: “Gou gyaез Sawcuengh! Gou sij mbouj ndaej gyoengq hagseng gizneix!”

Vangz Binghgen lauxsae doiq hagseng ndei gvaq doiq lwg de. Gij hagseng louzsouj haenx, aenvih

mboujmiz bohme h guenj, deuzhag、hwnjdangz mbouj dingq goq、mbouj sij cozyez daengj, vih neix, hagdangz lauxsae nyapnyuk dangqmaz. Vangz Sungunh dwg hagseng ban Vangz lauxsae, daxboh gvaqseiq le daxmeh de couh okbae dajgoeng, de caeuq daxgoeng de gwnyouq. Hainduj de lij dingq gangj, menhmenh couh mbouj gyaез doegsaw, ngoenznaengz maez bae hwnj vangj. Vihliux mbouj sawj lwghag neix bienq vaih, Vangz lauxsae ngoenzngoenz yungh seiz roengzban bae cunzranz, caeuq Vangz Sungunh damzsim. Ginggvaq duenh seizgan ndeu, lauhei q gij sinhoj Vangz lauxsae gamjdoengh Vangz Sungunh lo, Vangz Sungunh mbouj bae hwnj vangj lo, dinghsim roengzdaеj doegsaw, doeklaeng bienqbaenz boux hagseng cingzcik maenhndei ndeu.

Vangz Binghgen couh dwg boux “huk” sawj runz youh caen youh gingq neix. Gij “huk” de, gizsaed couhdwg cungj haengj guh、gyaез guh、rox guh haenx. De dawz sojmiz cinglig de yungh youq aen saehnieb Sawcuengh. De dwg boux lauxsae Sawcuengh ndei ndeu, dwg lwgsau ndei Bouxcuengh raeuz !

Mbouj Faenliz Daengznauq

永远不分离

□Suh Dasingh /苏大星

Sai: Ranz dahnuengx hwnj laeuz Cingj daeuj ndei saefouh Miz vunzgoeng lai boux Geij ndwen couh guh baenz

Sau: Beix gangj coenz bakgvai Nai nuengx daenj mauhlaux Nuengx gwnheiq faufau Muengh beixmbauq daeuj bang

Sai: Beix yaek ganj guhgoeng Bae Guengjdoeng mbwd namh Gud meiz aeu haeuj gamj Yaek hamj gvaq gyoengqvunz

Sau: Beixmbauq miz bonjsaeh Mboujcae j(yungh) bae gud meiz Gung’yen youq gyawj ndei

Heiz(liz) gyaе bouxranz mwh(siang)

Sai: Beix mboujcae ngz baenzgya Seizlawz ra ndaej yah Bineix ngeihcib haj Lau gvaqndwi ciuhvunz

Sau: Cingj beix guh goengdaеuz Bang hwnj laeuz hawj nuengx Ndawsim geiq maqmuengh Cuengqsim hwnj laeuz ndei

Sai: Hwnj laeuz couh hwnj laeuz Cizlieng aeu daih’it Mbouj guh nae dakndit Bid hongz nae couh cie g

Sau: Ranzlaeuz daengj ndaej ndei

Nuengx sim’ei q hailangh Bohmeh dawz vah gangj Aeu ciengj beix gijmaz

Sai: Beix mbouj siengj yienghlawz Hawj guhgwis bohme h Ciengx bouxlaux daengz ge q Cingj gyoengqde cuengqsim

Sau: Boh hawj raeuz aenrug Haeux cawj cug baenz am Van’dangz lumj makgam Sam ngoenz bak lij diemz

Hab: Song raeuz gap baenz doiq Saeceij boiq geizlaenz Muengxcingz san ndaej baenz Mbouj faenliz daengznauq

《Yinzminz Yizbau》bi 1965 ndwen 9 ngoenz 15, yungh daeuzbanj daeuzdiuz daeng gvaq Guengjsae cingj doenghboux vunz cangh dajndaem Cauzsau daeuj ndaem nazyienghbanj gij siusik neix, caemhcaiq fatbiuj le 《Cungj Fuengfap Ndei Hagsib Gingniemh Maenhndei Ndeu》bien selun neix, vixok dingz fuengfap neix “doi q gak dieg doxgyau gingniemh swnghcanj, daezsang suiibingz swnghcanj, miz gij cozyung youqgaenj. Gojyij hag ndaej lai caezcienz、sij saeq、cinjgoz, ndaej hawj swnghcanj haemq vaiq ndaej yungh.”

Gij vunzguhnaz Cauzsau fouzsei yienh gij gingniemh gohyoz ndaem naz bonjfaenh okdaeuj hawj vunzguhnaz Guengjsae, daihdaih daezsang le gij gisuz ndaem haeux caeuq gij suiibingz dancanj haenx. Bi 1965, ciuq 5 aen digih gyonjgeiq, gij nazyienghbanj vunzguhnaz Cauzsau ndaem haenx,

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangisii Cioz Siengzcoub Liuz Gingliuj Cioz Siengzzen boiz

haeuxsonggeiq bingzyaenz mouxcanj 1621 gaen. Youq Vuzcouh Digih, gyoengqde miz 34 giz diemjienghbanj, haeuxsonggeiq bingzyaenz mouxcanj 1682 gaen, ndawde miz 13 aen diemj ndaej 1600 daengz 1800 gaen, 6 aen diemj ndaej 1800 daengz 1900 gaen, 5 aen diemj ndaej 1900 daengz 2000 gaen, aen diemj ndeu mauhgya q 2000 gaen. Aen digih neix nazgaenban naz miz fanh lai moux,

mboujnoix caemh ndaej gij suiibingz nazyienghbanj. Lumj Cinzhih Yen Sihlanz Gunghse miz 24 moux nazgaenban, bingzyaenz mouxcanj ndaej 1700 gaen. Bihaenx, daengx gih cungjcanjliengh haeuxgok beij bigonq demgya 12 ik lai gaen.

Bi 1966, gij nazyienghbanj vunz-guhnaz Cauzsau caeuq gij nazgaenban gak swnghcanjdui, youh youq gij goekdaej bi 1965 gwnzde caiq ndaej

oklai dem. Daengx gih haeuxgok caemh ndaej demcanj.

Doeklaeng, aenvih deng “vwnzva dagwzming” yingjyangj, gij vunz-guhnaz Cauzsau youq bi 1966 nienzdae j gonqlaeng senj ok Guengjsae. Gyoengqde youq Guengjsae yienznaeuz cij ndaej 2 bi, hoeng gyoengqde hawj vunzlai Guengjsae geiq ndaej gig maenh.

(caengz sat)